



Tuniyauvia Ublua: <b>Qiqajaluarvia 2008</b>	Ihuaqhigiaqvia Ublua: <b>Niqiliqivik 15, 2019</b>	Havalik Havakvik: <b>Aapisia taphuma Kiinauyaliriyi Maniliriyiqyuaq</b>	Tiliurut Nappaa: <b>905</b>
Ilanga: <b>Munarini Maniliurutit</b>			
Tiliurut Taiyaunia: <b>TAXSIYAUTIT – TAMAITNUT</b>			

## 1. MALIGAQ

*Nakataani 23 (j)* tapkunani *Nunavut Piquyat* pipkaqtai tapkuat Piquyat hakugiknit maliganguqni piplugit tiliuqni taxsiyautit tahamani Nunavutmi piyakhai piruqhaqni maniktarutit nunatagaayumun, nunaliuyut uvaluniit nunalikni pityutauyut.

## 2. TILIURUT

Tamna Minihitauyuq Kiinauyaliqutinut, angiqtauhimapluni tapkunanga Minihitauyunut Katimayit tapkuatlu aturahuaquni tapkuat Kiinauyaliqutuit Aulataunit Katimayit, piyalgit hatqiqitni tapkununga Maligaliriyit tamaita tukhiqtauyut nutanut taxsiyautit uvaluniit qipiluktauni tarya atuqtut taxsiyautit. Atuqtut taxsiyautit ihuaqhigialat nalaiknit maligaliriyit, uvaluniit pilarutinut, atuqhugit maligait.

Una tiliurut atuqtuq tamaitnut kavamauyut timinginut inungnutlu havakviknut.

## 3. IHARIAGIYANGIT

- 3.1. Kitutliqak tukhigayut tapkununga Maligaliriyit turangayut tapkununga taxsiyautit piqarialgit uingaittumik tamatkiumayuniklu unniqtuttiaqni hunayangit tapkuat taxsit, kitutliqak aturiaqangilrui, atuqtut aktilakhait, huaktauyutit tunityuhitlu piyalgit.
- 3.2. Tamna Tukliriyi Ataniq taphumunga Timinganut Kiinauyaliriyit piyalgit atuqpiariangi tapkuat pityuhiit aturiangit katitiqninut tamaita taxsiyautit huaktauyutitlu tuniyaliknut tapkununga Kavamatkut piyarakittumik atuttiaqtumiklu piplugit.

3.3. Tahapkuat piquyayut malikhugit tapkuat taxsiliqutit hatqiqhimayut atuqtukhauni katitiruhilu tapkunanga Kavamatkut:

- a) *Income Taxsit Piquyat;*
- b) *Piqutit Naunaiyaqni Taxsiyautitlu Piquyat;*
- c) *Tipaakuq Taxsit Piquyat;*
- d) *Manikhauhit Taxsit Piquyat;*
- e) *Uqhukhat Hanahimayut Taxsit Piquyat;*
- f) *Nautiumatit Piquyat (Nunavut).*

Tahapkuat piquyat aulatauyut tapkunanga Timinga Kiinauyaliqutit.

3.4. Nunavutmi avikhivigiya atuqninut taxsit malikhugit tapkuat *Angayarnaqtut Higarluit Piquyat* atuqtitauni katitiqnilu kivaqtuqhugit tapkuat Kavamatkut tapkunanga Kavamatkut Kanata. Tahapkuat taxsiyautit taima tuniyayut utiqittugit tapkunanga Kavamatkut.

3.5. Tapkuat Kavamatkut Kanata atuqtitai katitiqtailu taxsiyautit Nunavutmi malikhugit tapkuat *Unarniqmun Kaasit Halumaiqnit Akitunit Piquyat*. Tahapkuat taxsiyautit taima tuniyayut utiqittugit tapkunanga Kavamatkut.

3.6. Tamna taxsiyautit ilagiyat kitutliqak hulinit tapkuat angiqtaulat tapkunanga Piquyanit piyalgit aulatauni tapkunanga Timinga Kiinauyaliqutit.

3.7. Tapkunanga pilaqtitaunit piquyanit, tapkuat Timinga Kiinauyaliqutit piqataulat tuhagakhanut atuqatigiknit angirutit tapkunanga Kanatami Maniliurutit Havakvia tapkuatlu nunaqyuqat nunatagayutlu kavamait pilariangit atulitqikhaqnit aturiaqaqtitni maligait piplugit taxsiyautit.